

中國方志叢書·華中地方·第三二五號


據

清同治十一年
清陳廷鈞纂
刊本

影印

湖北省

安陸縣志補正



5433/08

成文出版社有限公司印行



10096940

中華民國六十四年 月臺一版

安陸縣志補正

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

同治十一年

八月望開彫

序

陳右臣明府以所纂安陸縣志補正乞序於余，維志之難與史等匪惟三長抑有二病夸者鑿空架虛陋者挹殘守缺故千餘年來

天下郡邑莫不有志而善其
率鮮今右臣以里居之暇
搜故實攷羣書於斯志
缺者補之訛者正之編之
不下數萬言其才其學其
識具見於此豈惟去夸陋

之病為後來載筆者法蓋
在於表章忠孝節廉之事
使都人士有所矜式焉余与
右臣雖非相知夙聞其博物
君子因是而求其用意之所
存矣故序之

同治十一年歲在壬午

辛月吉

愚弟陳建侯拜書

敘

安陸故鄖子國也於楚不為形勝地狀
東引光黃西控唐鄖南枕夢澤北臨
淮蔡固天下所必爭粵匪倡亂以來未
及十年城凡四陷鄉邑為墟檣山濱水
間歲々苦兵革家名臣大令謁告歸舊

里俱兵燹刊殘文獻日即淪亡也乃取
邑舊志補其闕較正其謬舛彙之得五
萬餘言屬其從子桂生太史以示余
讀之而歎右臣既老而用心益遠也今
天下郡縣吏自丞尉以上例不得持符
傳自涖其鄉土越人而入秦齊人而

適楚卒狀受事旬月之間語言尚未
能達況欲表其先賢為式閭里取彼
積習予以變更自非居約時已能究心
天下之故則舍志棄固未見其能洞狀
也右臣里居多暇凡邑中故實見遺
於舊志而於他書鐫之可見者雖時

零必為掇拾時賢為見聞所逮亦附
箸焉而於風土人情尤瑣言之不厭
蓋欲以是告後之吏茲土者俾知因
俗而善道焉而因以風俗之盛衰覘
政治之得失右臣之為心則既遠矣惜
乎右臣不竟用於世而徒措其心於

一鄉一邑間也雖狀右臣日望輦鼓聲
中尚能鉛槧不廢筆今南方稍定楚
大吏且謀輯通志右臣身繫文獻之
望願無老自解而博采乎襄陽者
舊楚國先賢凡有資吾楚掌故者其
悉綜彙而薈萃之以成通國之志俾

國故賴以不礫以視夫寓心於一鄉一邑
間者相去殆不可以道里計矣右臣
聿終勉焉書成勿憚見寄余志矣
蓋猶能把筆論定之

同治五年歲在丙寅八月宗弟廷經頓首拜序
七年歲在戊辰年愚侄黃槐森頓首拜書

序

余纂安陸縣志補正二卷成客有問
予者曰志經前數君子手又歷二十
餘寒暑殆克歲事邑之人念曰善哉
志也衆美具矣子奚為補曰佚也奚
為正曰誤也子補之正之志遂無佚
無誤矣乎曰否不然也昔夫子詒仲

弓曰舉爾所知爾所不知人其舍諸
以待後之君子也已客曰有是哉吾
許女不自是子可以補是
可以正

大清咸豐三年歲在癸丑嘉平之月
二十有八日邑人陳廷鈞大鴻甫
雪窗呵凍書於平舒官舍碧山人
來之室

安陸縣志補正

凡例

一是書之補補志佚也其有事涉修志後者合並補之
一是書之正正志誤也其有不關志載而事涉沿襲傳
聞之訛謬者合並正之

一是書正志之誤載者其事其文皆歸入後按內以辨
別之明在刪除之列

一是書之按多旁引以證本事非必盡關安陸故實也
故用低格以別之

一是書脫稿於癸丑歲開雕於壬申歲其事涉癸丑以

後者俱係增入

一是書於星野概不及者闕所不知也其餘惟選舉節烈兩門一以科名仕宦人所易知易於徵考一以兵燹甫息通邑殉難節烈甚夥尙未彙報其已報者未蒙覆准故概從畧焉

一是書妄意直道而行罔識忌諱其中議論失平徵引未當與夫遺漏差誤之處在所不免尙冀後之同志君子匡我不逮

廷鈞謹識